



Broj: 11-19-11-2-1957-7/26

Datum: 15.09. 2026. godine

Na osnovu člana 43. Zakona o unutrašnjim poslovima Federacije BiH („Službene novine FBiH“, broj 81/14), čl. 26., 69., i 70. stav (4) Zakona o javnim nabavkama („Službeni glasnik BiH“, broj 39/14, 59/22 i 50/24), na prijedlog Komisije za provođenje pregovaračkih i ograničenih postupaka nabavki za 2026. godinu, direktor Federalne uprave policije, donosi:

ODLUKU O PONIŠTENJU POSTUPKA NABAVKE MUNICIJE - LOT 7

I

Ovom Odlukom poništava se postupak javne nabavke i isporuke municije - LOT 7 nabavka SIM municije 9 mm, pokrenut Odlukom broj: 11-19-11-2-1957/26 od 05.05.2026. godine, iz razloga što nijedna od primljenih ponuda nije prihvatljiva.

II

Ova odluka objavit će se na web-stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24), dok će se istovremeno dostaviti i svim ponuđačima koji su učestvovali u predmetnom postupku javne nabavke shodno odredbama člana 71. istog Zakona.

III

Za izvršenje Odluke zadužuje se Komisija i Sektor za finansije i javne nabavke.

Obrazloženje

Na osnovu Odluke broj: 11-19-11-2-1957/26 od 05.05.2026. godine i Obavještenja o nabavci broj: 1412-2-1-103-3-125 od 08.05.2026. godine objavljenog u „Službenom glasniku BiH“ br. 34/26, dana 15.05.2026. godine, Komisija ugovornog organa, imenovana Rješenjem, broj: 11-11/4-30-2-430, od 23.03.2026. godine i i rješenjem broj 11-11/4-30-2-430-1/26 od 30.07.2026.godine (u daljem tekstu: **Komisija**), provela je ograničeni postupak javne nabavke i isporuka municije (LOT1, LOT2, LOT3, LOT4, LOT5, LOT6, LOT6, LOT7, LOT8, LOT9, LOT10, LOT11, LOT12, LOT13)

Dana 21.07.2026. godine na portalu javnih nabavki objavljen je poziv za dostavljanje ponuda (II faza).

Komisija je u provedenom postupku konstatovala da su tendersku dokumentaciju za II fazu postupka nabavke preuzeli kvalifikovani ponuđači:

- Danial S" d.o.o. Tešanj
- KM Trade d.o.o. Visoko
- Patrio d.o.o. Sarajevo

Prema Zapisniku sa otvaranja ponuda od 25.08.2026. godine, za aktivno učešće u postupku javne nabavke za LOT 7 – SIM municije 9 mm dostavljena je ponuda ponuđača:

- KM Trade d.o.o. Visoko;

Komisija je izvršila pregled i ocjenu dostavljene ponude, te sačinila Zapisnik o pregledu i ocjeni ponuda broj: 11-19-11-2-1957-1/26 od 14.09.2026. godine, kojim je utvrdila:

da je ponuđač KM Trade d.o.o. Visoko uz ponudu br.12/08/2026-7 od 12.08.2026. godine dostavio dokumentaciju zahtijevanu tenderskom dokumentacijom. Uvidom u Obrazac za dostavljanje ponude – Aneks II, na stranici br.100 ponude, Komisija je konstatovala da je ponuđač u koloni „PDV na cijenu ponude (sa uračunatim popustom)“, prvobitno upisao iznos od 5.000,00 KM, koji je naknadno prekrižio i upisao iznos od 850,00 KM. Međutim, navedena ispravka nije izvršena u skladu traženjem iz tenderske dokumentacije kao i članom 18. stav (1) tačka m) Uputstva za pripremu modela tenderske dokumentacije i ponuda („Službeni glasnik Bosne i Hercegovine“, broj 90/14 i 20/15), budući da uz izvršenu ispravku nisu navedeni potpis ponuđača i datum izvršenja ispravke.

Također, u rubrici „Ukupna cijena naše ponude sa PDV-om“ ponuđač KM Trade d.o.o. Visoko je iznos iskazao slovima, dok je u nastavku navedene kolone upisao iznos od 5.850,00 KM, koji je potom prekrižen, bez potvrde ispravke potpisom ponuđača i navođenja datuma izvršenja ispravke.

S tim u vezi Komisija je konstatovala da ponuda ponuđača KM Trade d.o.o. Visoko ne ispunjava formalno – pravne uvijete te se ista smatra nepravilnom jer izvršene ispravke u Obrascu za dostavljanje ponude – Aneks II, na strani 100 ponude nisu izvršene na način propisan tačkom 3.2. tenderske dokumentacije kao i članom 18. stav (1) tačka m) Uputstva za pripremu modela tenderske dokumentacije i ponuda („Službeni glasnik Bosne i Hercegovine“, broj 90/14 i 20/15), s obzirom da izvršene ispravke nisu potvrđene potpisom ponuđača niti je uz iste naveden datum izvršenja ispravke.

Obzirom da je ponuda ponuđača KM Trade d.o.o. Visoko br.12/08/2026-7 od 12.08.2026. godine ocijenjena nepravilnom tj. da ova ponuda ponuđača ne ispunjava formalno-pravne, uslove, ugovorni organ prihvata preporuku Komisije datu Zapisnikom Komisije, broj: 11-19-11-2-1957-1/26 od 14.09.2026. godine da se poništi postupak nabavke i isporuke municije za LOT 7 nabavka SIM municije 9 mm.

Cijeneći navedeno, donesena je Odluka kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama („Službeni glasnik BiH“ broj: 39/14, 59/22 i 50/24).

DIREKTOR
GLAVNI GENERALNI INSPEKTOR POLICIJE

Igor Maric

Dostaviti:

- Učesnicima u postupku (putem Komisije)
- Sektoru za finansije i javne nabavke
- Kabinetu direktora uprave policije
- Komisiji
- a/a

